

## SCRIPT OF MORNING GOJRI NEWS BULLETIN 27MAR 2026 1015HRS

مارننگ گوجری نیوز بولٹین 27 مارچ 2026

\*\*\*\*\*

یوہ آکاشوانی جموں ہے ، محمد اکرم تیں خبر سُنو۔

\*\*\*\*\*

### LG/CM GRATITUDE

لیفٹیننٹ گورنر منوج سنہا تے وزیر اعلیٰ عمر عبداللہ نے جموں کشمیر نانہہ اضافی مرکزی امداد گا طور ور 5 ہزار کروڑ روپیہ جاری کرن ور وزیر اعظم نریندر مودی مرکزی وزیر داخلہ امت شاح تے وزیر خزانہ نرملا سیتا رمن گو تہ دل تیں شکریو ادا کیو ہے۔ لیفٹیننٹ گورنر نے کہیو کہ اضافی امداد غی فراہمی مرکز غے زیر انتظام جموں کشمیر غی مالی حالت نانہہ مستحکم کرن مانہہ مدد ملے گی۔ انہاں نے کہی و کہ یہ اہم مدد بجٹ غی رُکاوٹاں نانہہ دور کرے گی منصوبہ بندی غے مطابق فراہمی غی ضمانت دے غی تے بُنیادی ڈھانچہ نانہہ تقویت ملے غی تے اس نال پائیداد خوشحالی غا موقع پیدا کرے غی۔ اس دوران وزیر اعلیٰ عمر عبداللہ نے کہیو کہ یوہ بروقت تے اہم مدد ترقی غی کوشش نانہہ نمایاں طور ور تقویت دے غی۔ بُنیادی ڈھانچہ گا منصوبیاں نانہہ تیز کرے غی تے جموں کشمیر مانہہ عوامی بہبود مانہہ اضافو کرے غی۔

\*\*\*\*\*

### CM CABINET MEET

وزیر اعلیٰ عمر عبداللہ نے جمعرات نانہہ جموں مانہہ کابینہ غی میٹنگ غی صدارت کی۔ جس مانہہ مرکزی علاقہ مانہہ کلیدی ترقیاتی اقدامات تے انتظامیہ غی ترجیہات ور توجہ مرکوز کی گئی۔ جموں کشمیر سی۔ایم گا دفتر غی طرفوں جاری ایک پوسٹ غے مطابق ، میٹنگ مانہہ بُنیادی ڈھانچہ غا منصوبیاں ور پیش رفت گو جائیزو لیو گیو تے اُن ور عمل درآمد نانہہ تیز کرن غی ضرورت ور زور دتو۔ کابینہ نے عوامی خدمات کی فراہمی گ ا طریقہ کار نانہہ مضبوط بنان تے جموں کشمیر مانہہ جامع ترقی نانہہ یقینی بنان ور غور کیو۔ وزیر اعلیٰ نے انتظامیہ مانہہ کارکردگی ناہ بہتر بنان تے مرکزی زیر انتظام علاقاں غا تمام علاقاں گا لوکاں نانہہ فائدو پُجان واسطے ترقیاتی کماں ناہ تیز کرن ور زور دتو۔

\*\*\*\*\*

### ASSEMBLY PROCEEDINGS

جموں کشمیر قانون ساز اسمبلی گا بجٹ اجلاس گو دورو مرحلو اج شروع ہون غی امید ہے۔ جس مانہہ حزب اختلاف جماعت حکومت گا انتخابی وعداں تے ریاست کی بحالی ور حکومت نانہہ کیرن غی تیاری کررئی ہے آکاشوانی جموں گا نامہ نگار نے اطلاع دتی ہے کہ اجلاس مانہہ افراتفری گ ا مناظر دیکھن غی امید ہے کیونکہ بزب اختلاف جماعتاں گا اراکین بکہ بکہ مسائل ور پرائیوٹ ممبر گا بل تے قرار دار لیاں واسطے تیار ہیں۔ سپیکر عبدالرحیم راتھر نے کہیو کہ اجلاس واسطے تمام ضروری تیاری مکمل کرلی ہیں۔ جس گو مقصد بروقت انعقاد تے وقت گا موثر استعمال نانہہ یقینی بنانو ہے۔

\*\*\*\*\*

### PANCHAYAT ELECTORAL ROLLS

جموں کشمیر غا انتخابی کمیشن نے پنچائیت غی انتخابی فہرستاں غی سالانہ نظر ثانی غو اعلان کیو ہے۔ اس عمل واسطے یکم اپریل 2026 نانہہ اہلیت غی تاریخ مقرر کی گئی ہے یعنی اس تاریخ توڑی جھیڑا لوک ووٹ دین غا اہل ویں گا ، اُن غا ناں فہرست مانہہ شامل کیا جییں غا۔ نظر ثانی تیں حتمی انتخابی فہرست 15 مئی نانہہ جاری کی جے غی۔ جموں کشمیر پنچائتی راج غا قواعد 1996 غے تحت یاہ انتخابی فہرست تیار کی جے غی ، جھیڑی کہ پنچائتی راج قانون 1989 غی دفعات تے انتخابی حُکام غا مقررہ کردہ طریقہ کار غے مطابق وے غی۔ اس عمل مانہہ پچھلی تازہ کی گئی انتخابی فہرست نانہہ بُنیاد بنايو گیو ہے تے اس مانہہ شامل ناماں نانہہ سامنے رکھتاں وان نوی فہرست غی ترتیب دتی جے غی۔

\*\*\*\*\*

### NC INVESTITURE CEREMONY

شمالی کمان غی اعزازات غی تقریب 2026 پلک ادھمپور مانہہ اس غا صدر دفتر مانہہ منعقد وے غی۔ اس تقریب مانہہ شمالی کمان غا سربراہ لیفٹیننٹ جنرل پرتیک شرما فوج غا اُن افسران تے جوانان نانہہ اعزازت دیں غا جنہاں تے غیر معمولی بہادری، نمایاں خدمات تے اپنا فرض واسطے مضبوط عزم غو مظاہرو کیو تے۔ اس تقریب تے دوران 92 اعزازات دتا جئیں غا جن مانہہ 51 اعزازات انفرادی طور وں فوجی اہلکاران نانہہ جد کہ 41 اعزازات بکھ بکھ فوجی دستاں نانہہ دتا جئیں غا جن مانہہ آپریشن سندور تے دوران انجام دتی گئی خدمات وی شامل تے۔ یہاں تقریب فوج غا جوانان غی وفاداری، تے لوٹ خدمات، قربانی تے حُب الوطنی غا جذبہ نانہہ ظاہر کرے تے اُن غی خدمات نانہہ خراج تحسین پیش کرن غو ایک اہم موقعو تے۔

\*\*\*\*\*

## CS HEALTHCARE REFORMS

چیف سیکرٹری اٹل ڈلو غی صدارت مانہہ ایک اعلیٰ سطحی اجلاس منعقد ہوئی، جس مانہہ محکمہ صحت و طبی تعلیم غی جانب تیں چایا گیا قدم غو جائیزو لیو گیو۔ یوہ قدم صحت غا شعبہ مانہہ بہتری لیان واسطے ایک جامع تے موثر منصوبہ نانہہ تیار کرن غو حصو تے، جن غی سفارشات وقتاً فوقتاً نیتی آیوگ غی جانب تیں دتی جارئی تیں۔ اجلاس مانہہ ایک مستقبل وں مبنی تے مربوط حکمت عملی وں غور کیو گیو، جس تے تحت جدید ٹیکنالوجی غا استعمال، ادارہ جاتی تعاون، صلاحیت مانہہ اضافو تے مضبوط عوامی صحت غا نظام تے ذریعے صحت غا شعبہ مانہہ بڑی تبدیلی لان وں زور دتو گیو۔ اس موقع وں اٹل ڈلو تے کہیو کہ نیتی آیوگ تے نال مسلسل تعاون نہایت ضروری تے تانجے محکمہ غی بکھ بکھ کوششاں واسطے ادارہ جاتی مدد تے رہنمائی حاصل ہوتی تے۔

\*\*\*\*\*

## JKBOSE ADVISORY

جموں کشمیر سکولی تعلیم بورڈ تے 12 ویں جماعت غا طلبہ نانہہ ہدایت دتی تے کہ اگر عملی امتحان غی تاریخاں مشترکہ داخلہ امتحان تے نال ٹکرا رئی ویں تاں وہ عملی امتحان تے بجائے مشترکہ داخلہ امتحان نانہہ ترجیح دیں۔ ایک اطلاع تے مطابق ایسا طلبا نانہہ مشورو دتو گیو تے کہ وہ بورڈ غا عملی امتحان مانہہ شرکت نہ کریں تے مشترکہ داخلہ امتحان مانہہ شرکت نانہہ ترجیح دیں۔ یہاں گل قابل ذکر تے کہ مشترکہ امتحان 2 اپریل تیں 9 اپریل 2026 توڑی منعقد ویں گا، جس غی وجہ تیں 12 ویں جماعت غا گجھ طلبا غا عملی امتحانات غی تاریخاں تیں ٹکراؤ ہو سکے۔

\*\*\*\*\*

NEWS READ BY MOHD AKRAM  
NEWS EDITOR KUNAL SHRIVATSA  
DEO NUSRAT  
SKILLED RAJAT  
TECH ASST PALLAVI